

AKASHVANI AIZAWL

REGIONAL NEWS UNIT



OPPOSITION REACTION ON SHORTAGE OF ESSENTIAL COMMODITIES

Eptu Party ten ZPM kaihhruai sorkar inthlahdah avanga Mizoram chak lakluhna kawngpui chhia chu Mizoram ei leh bar zawnna kawngah a pawh hle a, thla 7 chhungin GST pawh a tlahniam zawngin a la kal char char tih an sawi.

Akashvani News Aizawl zawhna chhangin MNF Vice Chairman, Publicity Board MNF J Malsawmzuala Vanchhawng chuan tuna kawng chhe zual, lirthei tam tak a tan vanga mipuiin harsatna namen lo an tawhna chhan lian ber Kawnpui-New Khamrang chu nikum lamah pawh mipuiten nasa taka an tawrh chhan a lo ni tawh a ti a, kum 2024 September thlaah sorkarin Contractor ban tirin, a security pawh cheng nuai 35.37 lai a chhuhsak a, contractor kut atanga laksak anih hnuah pawh thal chhung zawngin engmah ti mumal lovin Sorkar-in a thlir a, a mutthluk san chhunzawm leh avangin kuminah harsatna namen lo kan tawk nawn leh mek a ni tih a sawi.

Pu J. Sawma chuan ZPM sorkarin kawng siamna tur bika chhiah a lak Road Maintenance Cess tling khawm pawh June thleng khan cheng vbch 2 chuang a tling tawh tih sawiin Sum nei nei reng chung si leh kawng a chhe nasa hle dawn tih hre lawk reng chung sia sorkarin mipuite tawrhna a thlentir tho mai chu hriatthiam harsa a tih thu a sawi a, hetihlaia sorkar hotu thenkhatin mawhpuh tur dang a dap kual phei hi chu mipui zah lohna a tling a, a vanduaithlak tak zet tih a sawi baw.

Congress Treasurer Dr Lalmalsawma Nghaka pawhin tunlai kawngchhia chu sumdawngte bakah lirtheia eizawng leh mipui nawlpuiin an tuar tawh hle a ti a. Hei hian Mizoram economy a nghawng lo thei lo tih sawiin, thla 8 dawn lai chu Mizoram GST collection chu a tlahniam chak hle a, hei hian mipui a nghawng hle a ti a. Mizoram sorkar chuan thal lai khan kawngpui pawimawh chu ngaihtuah ni se tun ang hian kan buai a rin lo thu a sawi a ni.



ANDREW LALCHHANDAMA

Doordarshan Aizawl Asst News Editor Andrew Lalchhandama chu nimina UPSC result chhuak ah Indian Information Service (IIS) ah a tling.

Andrew Lalchhandama hi Nursery veng niin Pu C. Vanlaltluanga fapa a ni a, Akashvani Aizawl ah Thlirvelna hun rei tak chhung puang thinin Doordarshan lamah Editorial Assistant a ni baw a, Dept of Mass Communication, Mizoram University atangin Master a zo a, tunah hian PhD a ti leh mek a, Mizoram Journalist Association member nilai a ni.

Andrew Lalchhandama chuan Akashvani nen an inkawmna ah hun rei tak chhung Akashvani leh DDK lama a thawhpuiten an thlawpna ah lawmthu sawiin a hnathawh chhunga a tawnhriat hrang hrang chuan tun dinhmun a thlen tir tih a sawi.



CLEANLINESS AWARENESS CAMPAIGN

Vawiin khan MADC Local Administration Department buatsaihin Cleanliness Awarness Campaign buatsaih a ni a, faina chungchang ah Siaha hma a sawn thei dan tur sawi ho nghal a ni bawk.

Campaign programme ah hian MADC EM Pu K Chhuabei chuan Mizoram Khawpui Fai 2023-24 inelnaah Siaha chuan Pathumna lawmman a la a, nikum 2024-25 ah hmasawn chho hretin pahnihna dinhmun a luah chu Sawrkar Department te bakah NGO, VC leh Kohhran te thahnemngaihna leh thawhhona zar a ni a ti a, Mizoram khawpui fai ber an nih theih nana rilru leh ngaituahna seng theuh turin kalkhawmte a sawm a, midang hrilh chhawngtu ni turin a sawm bawk a ni.

He hun ah hian bawlhhlawh sawngbawl dan tur chungchang te, bawlhhlawh thliarhran dan tur chungchang leh Khawchhung ah sanitation point tur te, Kohhran ruaitheh dan tur chungchang te, leh Waste to wealth competition huaihawt dan turte sawiho nghal a ni bawk.

(PR)



PARLIAMENT

Parliament in hnih thutkhawm chu zing dar 11 ah tan niin Bihar a Special Intensive Revision exercise neih chungchang ah eptu lam ten buaina an siam a vangin dar 2 thleng tih tawp a ni a, Eptu lam te hian SIR chungchang sawiho an phut a ni.

Lok Sabha-a thutkhawm ah hian eptu lam ah Congress, DMK, TMK leh midang te chuan thu an sawi a, heng karah hian Speaker Om Birla chuan zawhna hun kalpui tumin, Speaker chuan buaina chawhchhuah chu house zahawmna nen a in hmeh lo a tih thu a sawi a, buaina a tawp mailoh avangin, Speaker chuan thutkhawm chu chawhnu dar2 thleng a ti tawp a ni.

Rajya Sabha ah pawh zing dar 11 ah tan in, eptu lam hian buai na an siam a, hemi vang hian chawhnu dar 2 thleng thutkhawm tihtawp a ni.

(NewsonAIR)



PM MODI

Prime Minister Narendra Modi leh Philippines President Ferdinand Romualdez Marcos Junior te chuan New Delhi ah ram aiawhin an inbe dawn a, Philippine president hian ni 5 chhungin India ram state hrang hrang te a tlawh kual a ni.

External Affairs Minister Dr S Jaishankar chuan ram hruaitu 2 te inbiakna chuan ram tana thawhdunna pawimawh an sawi a rin thu a sawi.

(NewsonAIR)

